

12 OCT 1999

BANGLADESH-DAGANGAN

HUBUNGAN PELABUHAN RANGSANG DAGANGAN BANGLADESH-MALAYSIA

Oleh: Ahmad Zukiman Zain

KUALA LUMPUR, 12 Okt 12 (Bernama) -- Hubungan langsung antara pelabuhan utama Bangladesh, Chittagong, dan Pelabuhan Klang adalah perangsang kepada peningkatan perdagangan, kata Pesuruhjaya Tinggi Bangladesh Wajid Ali Khan Panni, hari ini.

Kebanyakan produk yang dahulunya dieksport melalui pelabuhan lain kini boleh dihantar terus, menjadikan kos lebih munasabah, katanya dalam temuramah dengan Bernama.

"Saya jangka perdagangan antara Chittagong dan Pelabuhan Klang akan meningkat," said Panni, yang akan mengakhiri tugasnya selama dua setengah tahun di Malaysia. Beliau akan membuat kunjungan perpisahan terhadap Yang di-Pertuan Agong esok.

Beliau berkata Malaysia telah membuat tawaran untuk membantu memajukan pelabuhan Chittagong.

Perdana Menteri Datuk Seri Dr Mahathir Mohamad berkata semasa melawat Dhaka pada Mac bahawa Malaysia akan terus meningkatkan perdagangan dan pelaburan dengan Bangladesh dalam usaha untuk menambah peluang pekerjaan.

Panni berkata produk-produk Malaysia, terutamanya barangan elektronik, amat popular di Bangladesh.

"Aliran keluar-masuk penumpang antara Malaysia dan Bangladesh adalah 17,000 dan 20,000 orang setahun dan rakyat Bangladesh membawa pulang banyak produk Malaysia bernilai RM2,000 hingga RM3,000," katanya.

Jumlah perdagangan antara kedua-dua negara tahun lepas sebanyak RM724.4 juta berbanding RM563.8 juta pada 1997, dengan eksport Malaysia berjumlah RM699.6 juta.

Beliau juga menggesa usahawan-usahawan Malaysia menubuhkan industri di Bangladesh.

Selain dari kos buruh yang rendah, katanya, Bangladesh mempunyai bahan mentah dan prasarana bagi industri. -- BERNAMA

AZZ JR